



იუსტიციის უმაღლესი სკოლა

გამარტივებული ელექტრონული ტენდერის საშუალებით სატელეფონო და მონაცემთა
გადაცემის მომსახურებების (CPV64200000)

სახელმწიფო შესყიდვა

სატენდერო დოკუმენტაცია

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ქ.თბილისი

2015 წ.

სარჩევი

1. ტექნიკური დოკუმენტაცია ----- 3 გვ.
2. ტექნიკური დოკუმენტაციის დანართი №1 ----- 6 გვ.
3. ტექნიკური დოკუმენტაციის დანართი №2 ----- 7 გვ.
4. სახელმწიფო შესყიდვის შესახებ ხელშეკრულების პროექტი ---- 8 გვ.

ტექნიკური დოკუმენტაცია

1. შესყიდვის ობიექტის ტექნიკური და ხარისხობრივი პარამეტრები და მიწოდების ადგილი:

- 1.1** პრეტენდენტმა უნდა უზრუნველყოს შემსყიდველის სატელეფონო ნომრებიდან მაღალი ხარისხის (კომუნიკაციების მარეგულირებელი ეროვნული კომისიის მიერ დადგენილი პარამეტრებით) სატელეფონო კავშირის უზრუნველყოფა ადგილობრივ, საერთაშორისო, საქალაქთაშორისო და მობილურ ოპერატორებთან.
- 1.2** სააბონენტო გადასახადი მოიცავს ულიმიტო ადგილობრივ და საქალაქთაშორისო კავშირს მიმწოდებლის ქსელის სატელეფონო ნომრებზე.
- 1.3** პრეტენდენტს უნდა გააჩნდეს ქ. თბილისსა და საქართველოს დანარჩენ ტერიტორიაზე სატელეფონო აბონენტების ფართო ქსელი, რაც საშუალებას იძლევა აბონენტთა შორის მეტი უფასო შიდა ზარების განხორციელებას არა მარტო თბილისში არამედ საქართველოს დანარჩენ ტერიტორიაზეც.
- 1.4** შესყიდვის ობიექტის მიწოდების ადგილი:

N	სსიპ იუსტიციის უმაღლესი სკოლის შენობების ადგილმდებარეობა	ტელეფონების რაოდენობა
1	ქ. თბილისი, პეკინის ქ. N29	1 Voip სერიული სატელეფონო ნომერი დამატებით 5 პარალელური არხით
2	ქ. თბილისი, პეკინის ქ. N29	1 ანალოგური ტელეფონის ნომერი
3	ქ. წყალტუბო, რუსთაველის ქ. N31	1 Voip სატელეფონი ნომერი
4	ქ. ბათუმი, ზუბალაშვილის ქ. N30	1 Voip სატელეფონო ნომერი

1.5 გასაწევი სატელეფონო კავშირის მომსახურების ჩამონათვალი:

N	მომსახურების დასახელება	განზომილების ერთეული	მისაწოდებელი რაოდენობა
1	VOIP სერიული ნომრის სააბონენტო	თვე	1 ნომერი
2	VOIP არხის სააბონენტო	თვე	5 არხი
3	VOIP ნომრის სააბონენტო	თვე	2 ნომერი
4	ანალოგური სატელეფონო ნომრის სააბონენტო	თვე	1 ნომერი
5	კავშირი სხვა სატელეფონო კომპანიის ადგილობრივი ფიქსირებული ქსელის ოპერატორთან	წუთი	15000
6	საქალაქთაშორისო სატელეფონო კავშირი სხვა სატელეფონო კომპანიის ფიქსირებული ქსელის ოპერატორებთან	წუთი	1500
7	კავშირი მობილურ ოპერატორებთან	წუთი	1500
8	საერთაშორისო სატელეფონო საუბრები	წუთი	500

2. სატენდერო წინადადების ფასი

- 2.1 პრეტენდენტის მიერ წარმოდგენილი სატენდერო წინადადების ღირებულება გაანგარიშებული უნდა იყოს ეროვნულ ვალუტაში - ლარში, საქართველოს კანონმდებლობით გათვალისწინებული გადასახადების, მომსახურების მაღალი ხარისხის უზრუნველყოფისათვის საჭირო და მის მიწოდებასთან დაკავშირებული ყველა ხარჯის ჩათვლით.

3. ანგარიშსწორების პირობები

- 3.1 შესყიდვის ობიექტის ღირებულება ანაზღაურდება უნაღდო ანგარიშსწორების ფორმით, ეროვნულ ვალუტაში, გაწეული მომსახურების შესაბამისად, მიმწოდებელსა და შემსყიდველს შორის შესაბამისი საგადასახადო ანგარიშ-ფაქტურის წარმოდგენის და შემსყიდველის მიერ მისი დადასტურებიდან (დადასტურება, ან დასაბუთებული უარყოფა უნდა განხორციელდეს ანგარიშ-ფაქტურის მიღებიდან არაუგვიანეს 5 სამუშაო დღეში) 7 სამუშაო დღეში.
- 3.2 დაფინანსების წყარო: 2016 წლის სახელმწიფო ბიუჯეტის ასიგნებები.

4. მიწოდების ვადები და პირობები

- 4.1 სატელეფონო მომსახურების მიწოდების ვადა: 2016 წლის 01 იანვრიდან 2016 წლის 31 დეკემბრის ჩათვლით.
- 4.2 მიმწოდებელს უნდა შეეძლოს სადღეღამისო მომსახურების გაწევა წარმოქმნილი პრობლემების გადასაწყვეტად.
- 4.3 მიმწოდებელმა უნდა მიიღოს ოპერატიული ზომები მომსახურების გათიშვის ან გაუმართაობის აღმოსაფხვრელად - სარემონტო სამუშაოების დაწყებამდე ოპერატიულად უნდა გააფრთხილოს შემსყიდველი წინასწარ, მინიმუმ 3 სამუშაო დღით ადრე და საკომუნიკაციო მომსახურების წყვეტა არ უნდა აღემატებოდეს 2 (ორი) საათს.

5. პრეტენდენტის მიერ სისტემაში ტექნიკური დოკუმენტაციის სახით ასატვირთი დოკუმენტები:

- 5.1 რეკვიზიტები დანართი N1-ის შესაბამისად;
- 5.2 აღნიშნული პროფილით მუშაობის არანაკლებ ბოლო სამი წლის (2013 წლის იანვრიდან, 2015 წლის დეკემბრამდე) გამოცდილება. წარმომადგენლობაზე უფლებამოსილი პირი წერილობით ადასტურებს ამ ინფორმაციას და თან ურთავს 2013-2014-2015 წლების მანძილზე თითოეული წელს მისი კონტრაქტორი ხუთი ორგანიზაციის დასახელებას და საკონტაქტო ტელეფონის ნომერს;
- 5.3 ხარჯთაღრიცხვა (ფასების ცხრილი) დანართი N2-ის შესაბამისად.

6. ფასწარმოქმნის ადეკვატურობის დასაბუთება

- 6.1 იმ შემთხვევაში, თუ პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტი ვალდებულია, შემსყიდველის მოთხოვნიდან არაუგვიანეს 3 სამუშაო დღეში წარმოადგინოს შესყიდვის ობიექტის მიწოდებასთან დაკავშირებული დადებული ხელშეკრულებები, ან ანგარიშფაქტურები (ინვოისები), ან სხვა ისეთი დოკუმენტაცია, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

7. დამატებითი ინფორმაციის მიღება

- 7.1 სატენდერო კომისიის აპარატის წევრი - დავით დახუნდარიძე ტ: 238 11 61; ddakhundaridze@hsoj.ge

8. დამატებითი პირობები

- 8.1 პრეტენდენტს არა აქვს უფლება წარმოადგინოს ალტერნატიული სატენდერო წინადადება.
- 8.2 აღნიშნულ გამარტივებულ ელექტრონულ ტენდერში მონაწილეობით პრეტენდენტი ადასტურებს, რომ სრულად ეთანხმება ამ კონკრეტული გამარტივებული ელექტრონული ტენდერის სატენდერო განცხადებითა და სატენდერო დოკუმენტაციით მოთხოვნილ პირობებს.
- 8.3 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას მხოლოდ ქართულ ენაზე.
- 8.4 იმ შემთხვევაში, თუ პრეტენდენტის მიერ სისტემაში ატვირთული სატენდერო წინადადება ან ტექნიკური დოკუმენტაცია არ შეესაბამება სატენდერო განცხადებასა და სატენდერო დოკუმენტაციაში მითითებულ მოთხოვნებს, სატენდერო კომისიის გადაწყვეტილებით ხდება პრეტენდენტის დისკვალიფიკაცია.
- 8.5 შემსყიდველ ორგანიზაციას უფლება აქვს სახელმწიფო შესყიდვის შესახებ ხელშეკრულების დადებამდე ნებისმიერ დროს შეაჩეროს ან შეწყვიტოს შესყიდვის განხორციელება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.

ტექნიკური დოკუმენტაციის დანართი №1

რეკვიზიტები

გრაფა №1	გრაფა №2 (ივსება პრეტენდენტის მიერ)
პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის ნომერი:	
ელ-ფოსტა:	
მომსახურე ბანკის დასახელება:	
მომსახურე ბანკის კოდი:	
ანგარიშსწორების ანგარიში:	

პრეტენდენტის ხელმოწერა: _____
(ხელმძღვანელი)

დამოწმება ბეჭდით:
(მისი არსებობის შემთხვევაში)

ტექნიკური დოკუმენტაციის დანართი №2
ხარჯთაღრიცხვა (ფასების ცხრილი)

პრეტენდენტის დასახელება _____

	მომსახურების დასახელება	განზომილების ერთეული	მისაწოდებელი რაოდენობა	ღირებულება ერთი თვე	სულ ღირებულება 12 თვე (ლარი)
1	VOIP სერიული ნომრის სააბონენტო	თვე	1		
2	VOIP არხის სააბონენტო	თვე	5		
3	VOIP ნომრის სააბონენტო	თვე	2		
4	ანალოგური ტელეფონის სააბონენტო	თვე	1		
სულ სააბონენტო ღირებულება					0

	მომსახურების დასახელება	განზომილების ერთეული	მოსაწოდებელი წუთების რაოდენობა	წუთის ღირებულება	სულ ღირებულება (ლარი)
1	კავშირი სხვა სატელეფონო კომპანიის ადგილობრივი ფიქსირებული ქსელის ოპერატორთან.	წუთი	15000		
2	საქალაქთაშორისო სატელეფონო კავშირი სხვა სატელეფონო კომპანიის ფიქსირებული ქსელის ოპერატორებთან.	წუთი	1500		
3	კავშირი მობილურ ოპერატორებთან.	წუთი	1500		
4	საერთაშორისო სატელეფონო საუბრები	წუთი	500		
სულ წუთობრივი მომსახურების ღირებულება					0
სულ შეთავაზების ღირებულება					0

პრეტენდენტის ხელმოწერა: _____

(ხელმძღვანელი)

დამოწმება ბეჭდით:

(მისი არსებობის შემთხვევაში)

სახელმწიფო შესყიდვის შესახებ ხელშეკრულების პროექტი
სატენდერო განცხადების ნომერი: SPA

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრედენდენტთან ხელშეკრულების დადების პროცესში

ქ. თბილისი

----- 2015 წელი

ერთი მხრივ სსიპ „იუსტიციის უმაღლესი სკოლა“, მისი დირექტორის ----- სახით, (შემდგომში – შემსყიდველი), და მეორე მხრივ „ „ მისი დირექტორის .. სახით, (შემდგომში – მიმწოდებელი) „სახელმწიფო შესყიდვების შესახებ“ კანონის მე-3 მუხლის პირველი პუნქტის “რ” ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1 ხელშეკრულების საგანია (შემდგომში „შესყიდვის ობიექტი“) სატელეფონო მომსახურების (CPV64200000) შესყიდვა სატელეფონო და მონაცემთა გადაცემის მომსახურებები) ხელშეკრულების პირობებისა და №1 დანართის შესაბამისად, რომელიც წარმოადგენს ამ ხელშეკრულების განუყოფელ ნაწილს.
- 1.2 შესყიდვის წყარო: 2016 წლის სახელმწიფო ბიუჯეტის სახსრები.
- 1.3 შესყიდვის ობიექტის ხარისხი უნდა შეესაბამებოდეს სატენდერო დოკუმენტაციაში მითითებულ და ამ სფეროში არსებულ სტანდარტებს.

მუხლი 2. ხელშეკრულების ღირებულება

- 2.1 ხელშეკრულების საერთო ღირებულება შეადგენს ----- ლარს, მიწოდებასთან დაკავშირებული ყველა ხარჯის და საქართველოს კანონმდებლობით დადგენილი ყველა გადასახადის ჩათვლით.

მუხლი 3. შესყიდვის ობიექტის მიწოდების ვადები და ადგილი

- 3.1 ხელშეკრულების ობიექტის მიწოდება განხორციელდება 2016 წლის 01 იანვრიდან 2016 წლის 31 დეკემბრის ჩათვლით.
- 3.2 მიწოდების ადგილია: ქ. თბილისის პეკინის №29, ქ. წყალტუბო რუსთაველის №31 და ქ. ბათუმი ზუბალშვილის ქ. №30.

მუხლი 4. შესყიდვის ობიექტის მიღება-ჩაბარების წესი

- 4.1 შესყიდვის ობიექტი მიწოდებულად ჩაითვლება საქართველოს კანონმდებლობით დადგენილი ფორმით საგადასახადო დოკუმენტაციის შემსყიდველისათვის წარდგენის და დადასტურების ან/და შესაბამისი მიღება-ჩაბარების აქტის გაფორმების შემდეგ.
- 4.2 შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს სსიპ „იუსტიციის უმაღლესი სკოლის“ მატერიალურ-ტექნიკური უზრუნველყოფის სექტორის უფროსი ნიკოლოზ ბუაჩიძე ან ინფორმაციული ტექნოლოგიების მთავარი კონსულტანტი ივანე რევიშვილი.

მუხლი 5. ანგარიშსწორების ფორმა და ვადები

- 5.1 მიწოდებული შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.
- 5.2 შემსყიდველი ვალდებულია მიმწოდებელთან განახორციელოს ანგარიშსწორება მიმწოდებლის მიერ საქართველოს კანონმდებლობით დადგენილი საგადასახადო დოკუმენტაციის (დღგ-ს ანგარიშ-ფაქტურა, სასაქონლო ზედნადები, და სხვა) საქართველოს კანონმდებლობით დადგენილი წესით შემსყიდველისათვის წარდგენიდან, ან/და მიღება-ჩაბარების აქტის გაფორმებიდან და შემსყიდველის მიერ მისი დადასტურებიდან (დადასტურება, ან დასაბუთებული უარყოფა უნდა განხორციელდეს ანგარიშ-ფაქტურის მიღებიდან არაუგვიანეს 5 სამუშაო დღეში) 7 სამუშაო დღეში.
- 5.3 მიმწოდებელი ვალდებულია დაიცვას პუნქტი 5.2 წინააღმდეგ შემთხვევაში შემსყიდველს უფლება აქვს უარი თქვას ანგარიშსწორებაზე.

მუხლი 6. მხარეთა უფლება-ვალდებულებები

- 6.1 შემსყიდველს უფლება აქვს:
- ა) შეამოწმოს შესყიდვის ობიექტის ხარისხი.
- ბ) მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.

გ) ნებისმიერ დროს შეაჩეროს ან შეწყვიტოს ხელშეკრულება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.

6.2 შემსყიდველი ვალდებულია:

ა) წერილობითი ფორმით, ან კომუნიკაციის ელექტრონული საშუალებებით აცნობოს მიმწოდებელს შესყიდვის ობიექტის წუნის შესახებ.

ბ) დაიცვას ხელშეკრულებით გათვალისწინებული პირობები.

6.3 მიმწოდებელს უფლება აქვს:

ა) მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

ბ) მოითხოვოს შემსყიდველისაგან ხელშეკრულების სხვა პირობების დაცვა.

6.4 მიმწოდებელი ვალდებულია:

ა) მიაწოდოს შემსყიდველს შესყიდვის ობიექტი ხელშეკრულებით დადგენილი პირობების შესაბამისად;

ბ) ხელშეკრულებით დადგენილი პირობებისა და წესის შესაბამისად დროულად აღმოფხვრას შესყიდვის ობიექტის წუნი;

გ) ჯეროვნად, დროულად და კეთილსინდისიერად შეასრულოს ხელშეკრულების პირობები.

მუხლი 7. ხელშეკრულების ინსპექტირების პირობები

7.1 შემსყიდველი უფლებამოსილია მოახდინოს შესყიდვის ობიექტის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

7.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული ობიექტის ნაწილის და წუნდების მითითებით.

7.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

7.4 ხელშეკრულების ინსპექტირებას შემსყიდველის მხრიდან განაზოგადილებს სსიპ „იუსტიციის უმაღლესი სკოლის“ ინფორმაციული ტექნოლოგიების მთავარი კონსულტანტი ივანე რევიშვილი.

მუხლი 8. პირგასამტეხლო ხელშეკრულების პირობების შეუსრულებლობისათვის

8.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისთვის მხარეებს ეკისრება პირგასამტეხლო შესასრულებელი ვალდებულების ღირებულების 0,2% ოდენობით. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8.2 იმ შემთხვევაში თუ ვადაგადაცილების გამო დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 5%-ს, მხარეებს უფლება აქვთ შეწყვიტონ ხელშეკრულება.

8.3 ხელშეკრულებით ნაკისრი ვალდებულებების შეუსრულებლობით გამოწვეული ზიანის ანაზღაურების საკითხი რეგულირდება საქართველოს კანონმდებლობით.

მუხლი 9. ხელშეკრულებაში ცვლილებების შეტანა და ხელშეკრულების შეწყვეტა

9.1 ხელშეკრულებაში ნებისმიერი ცვლილების ან დამატების შეტანა შეიძლება მხოლოდ მხარეთა წერილობითი შეთანხმებით.

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.4 თუ ხელშეკრულების რომელიმე მხარე დაარღვევს ხელშეკრულებიდან გამომდინარე ვალდებულებას და პირობებს, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა, ვალდებულების შესრულებისათვის მის მიერ დამატებით განსაზღვრული გონივრული ვადის უშედეგოდ გასვლის შემდეგ (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა). თუ ვალდებულების ხასიათიდან გამომდინარე შეუძლებელია ან აზრს კარგავს დამატებითი ვადის გამოყენება, მაშინ დამატებითი ვადის განსაზღვრას უთანაბრდება გაფრთხილება (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა).

9.5 ხელშეკრულების შეწყვეტასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსის შესაბამისი მუხლები.

9.6 ხელშეკრულება ასევე, შეიძლება შეწყდეს მხარეთა ინიციატივით, წერილობითი ურთიერთშეთანხმების საფუძველზე.

10. დავები და მათი გადაწყვეტის წესი

10.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მოლაპარაკების გზით.

10.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

11. დაუძლეველი ძალა

11.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

11.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ორ კვირაზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე.

11.3 დაუძლეველი ძალის შემთხვევაში მხარე დაუყოვნებლივ წერილობით აცნობებს ამის შესახებ მეორე მხარეს.

12. სხვა პირობები

12.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

12.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13. ხელშეკრულების მოქმედების ვადა

13.1 ხელშეკრულება ძალაში შედის მისი დადების დღიდან და მოქმედებს 2017 წლის 31 იანვრის ჩათვლით.

14. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“